



**REGIONE AUTÒNOMA DE SARDIGNA  
REGIONE AUTONOMA DELLA SARDEGNA**



**COMUNU DE PAULI**

**Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.**

## **CUNCESSIONI PO S'IMPERU DE IS IMPIANTUS SPORTIVUS DE SU “CAMPO DI AVIAZIONE DI MONSERRATO” – STASONI SPORTIVA 2024/2025**

### **PO CHINI EST?**

Is dimandas po imperai is impiantus sportivus ddas podint fai sceti is sociedadis sportivas diletanti, federatzionis sportivas e entis de promotzioni sportiva po fai allenamentus, campionaus e garas.

Is impiantus sportivus podint essi imperaus po primu da genti chi traballant me in su comunu de Pauli, is chi traballant funt:

- Sogetus cun sa seu legali o operadora in su territòriu de su comunu de Pauli;
- Sogetus chi ant traballau in is ùrtimus cincu annus cun su comunu de Pauli addirendi a traballus pùblucu/privau, fintzas cun tretus de coprogetatzioni a cunforma de su còdixi de su de tres setori po apariciari progetus sportivus o fainas de spàssiu/didàticas (po esèmpiu cuncessioni in imperu/gestioni de impiantus sportivus, gestione de colònias istadialis, traballu a mani pari cun su comunu po eventus sportivus), formalizaus cun una deliberatzioni de giunta comunali specifìca e/o determinatzioni de su dirigenti de is Setoris amministrativus de su comunu de Pauli.

Una borta arregortas is dimandas fatas da is sogetus chi traballant me in su territòriu de su comunu de Pauli, chi nc'est logu, fait a arregolli dimandas fintzas de sogetus chi tenint seu foras de su comunu de Pauli.

***Donai a cura a is Tìtulus po s'assegurai is impiantus sportivus: chi sa sociedadadi at fatu, in is tempus pedius, is pagamentus de totus is tassas dèpias po s'imperu de s'impiantu de su “Campo di Aviazione di Monserrato”, po s'annu sportivu 2023/2024.***

## **DESCRIZIONI**

Cuncessioni po s'imperu de is fàbricas de su “Campo di Aviazione di Monserrato” po sa stasoni sportiva 2024-2025

- Campu de càlcium a 11 (po allenamentus intre is oras 16.00 e 22.00; po is partidas de su sàbudu e domìnigu intre is oras 09.00 e 22.00)
- Palestra, atividadi sportiva de sa Pallacanestru (po allenamentus intre is oras 16.00 e 22.00; po is partidas de su sàbudu e su domìnigu intre is oras 09.00 e is oras 22.00)
- Palestixedda, atividadis sportivas amètisas: ballu, ginnàstica e artis martzialis) po allenemantu intre is oras 16.00 e 22.00.
- Campus de Basket foras Hangar: sa cuncessioni po s'imperu est permìtiu sceti a is assòtzius sportivus chi tentint sa seu me in su territòriu de su comunu de Pauli po atividadi de allenamentu de Pallacanestru.

Sa cuncessioni, chi permìtia, at a essi balida da su 9 de cabudanni 2024 a su 30 de làmpadas 2025.

## **CUMENTI FAI**

Is dimandas depint essi intregadas SCETI po mèdiu de sa prataforma online, cun s'imperu de su SPID, crachendi in custu link:

**[CONCESSIONE IN USO DEGLI IMPIANTI SPORTIVI DEL “CAMPO DI AVIAZIONE DI MONSERRATO”](#)**

Sa dimanda depit essi firmada de su rapresentanti legali e cumpria aintru de 15 diis da sa publicatzioni de s'Avisu me in su giassu de su comunu de Pauli. Is dimandas fatas apustis de sa scadèntzia ant a essi pigadas in consideru in òrdini de arribu e ant a fai unu listàrgiu a cunforma de oràrius e logus postus a disponimentu.

## **ITA SERBIT**

A marolla sa dimanda online depit tenni:

- Dimanda de cuncessioni de imperi cumpria in dònna logu, firmada de su rapresentanti legali.

Is partis ca nci depint essi e firmadas funt:

- Inditadura de sa strutura chi si bolit imperai
- Inditadura de is diis e is oràrius de imperu fitianu po is allenamentus (po imperu fitianu est intesu cuncessioni de sa strutura po fai atividades de allenamentu, in is diis de lunis a cenàbara e me in sa fàscia orària intre is 16.00 e is 22.00, de su 09 de cabudanni 2024 a su 30 de làmpadas 2025)
- Inditadura de su nòmini de sa personi chi tenit su cursu BLSD capassa de imperai su defibrillatori e alliongiai su certificau (obligatòriu)
- Declaratzioni de afillai a is Federatzionis e/o Entis de Promotzioni Sportiva chi pertocat s'annu chi currit
- Declaratzioni de tenni sa pòlitza assiguradora RCT fata cun una Cumpangia e/o istitutu de assicuratzioni de s'assegnatàriu o federatzioni o Enti de promotzioni Sportiva chi s'Assòtziu est afillada, a manera de escludi s'Amministratzioni comunali de dònna responsabilidadi po calisiat dannu podit acutessi a chini at a imperai su logu assinniau.

No podint essi pigadas in consideru is dimandas chi:

- Dimandas fata in manera differenti da cuddas previdias e no firmadas da su rapresentanti legali;
- Is partis obligatòrias no cumprias;
- Is alliongius obligatòrius chi mancant;

- Is dimandas fatas apustis de sa scadèntzia, formant unu listàrgiu de abetu, in òrdini de arribu, po donai oras disparis a cunforma de is dimandas fatas aintru de sa scadèntzia o oras postas a disponimentu apustis de renùncias o revocas de sa cuncessioni.

Po totus is oras is impiantus sportivus no podint essi assinniadas a una sociedadì sportiva sceti, francu chi no nci siant àteras dimandas, custu po arrespetai sa destinatzioni pùblica. Cundu s'at a fai su calendàriu de imperu de is impiantus sportivus po atividadis de allenamentu e a cunforma de su puntègiu tèntiu, a sa matessi sociedadì sportiva podint essi donadas:

- Po s'IMPIANTU DE CÀLCIU no prus de cuàturu oras de imperu a sa dii.
- Po sa PALESTRA E PALESTRIXEDDA no prus de cuàturu oras de imperu a sa dii.

## **TEMPUS E SCADÈNTZIAS**

PUBLICATZIONI: 26.07.2024

SCADÈNTZIA: 16.08.2024